



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

§. IX. Solvuntur argumenta Molinæ,

[urn:nbn:de:hbz:466:1-77146](#)

DISPUTATIO SECUNDA

44

efficaciter moveat ad justificationem, ut explicuit S. Thomas ad Roman. 10. lect. 3. ubi dicit: *Hoc ipsum quod aliqui faciunt quod in se est, convertendo se ad Deum, ex Deo est moveante corda ipsorum in bonum.* Et 1. 2. quæst. 109. art. 6. ad 2. *Cum dicunt homo facere quod in se est, dicitur hoc de potestate hominis, secundum quod est motus a Deo.* Idem docet quæst. 112. art. 3. in corp.

156 Colliges secundo: neque etiam dispositione negativa infallibili, posse quempiam ex propriis viribus se ad gratiam disponere. Quia tunc potest alius dispositione negativâ infallibili se disponere, quando potest omne impedimentum receptionis formæ excludere: At homo propriis viribus non potest vitare omnè peccatum mortale, per quod ponitur sufficiens impedimentum ad gratiam: Ergo nec potest se dispositione negativâ infallibili ad gratiam auxiliari disponere. Unde S. Thomas ad Hebreos 12. lect. 3. dicit: *Hoc ipsum quod aliquis non ponit obstatum gratiae, est ex gratia Dei.*

157 Dices, idem S. Doctor 3. contra Gent. cap. 159. ait: *Cum hoc sit in potestate liberi arbitrii impeditre divina gratia receptionem, vel non impeditre, non immerit in culpam imputatur ei qui impedimentum praefat gratiae receptioni: Ergo sentit D. Thomas esse in potestate liberi arbitrii, non ponere impedimentum gratiae, & consequenter negativâ saltem se disponere ad ejus receptionem.*

158 Respondeo, D. Thomam loqui de libero arbitrio, prout erat in homine integro, non vero pro est in homine lapso, ut ibidem exponit Ferrarensis, & constat ex capite sequenti, ubi sic habet: *Quod dictum est in potestate liberi arbitrii esse ne impedimentum gratiae praefat, competit his quibus naturali potestis integra fuerit.*

159 Dices rursum saltem sequi ex hac doctrina D. Thomæ, infallibile fore divinæ gratiæ assistentiam in homine integro, si faceret totum quod potest ex facultate naturæ, & viribus libri arbitrii: At hoc non est dicendum, cum enim gratia sit ordinis supernaturalis, nunquam potest habere infallibilem nexum cum actibus ordinis naturalis & inferioris, ut suprà dicebamus: Ergo &c. Sequela Majoris probatur: Homini integro non peccanti, infallibilis foret divinæ gratiæ assistentia: Ergo si in ejus potestate naturali constitutum erat non peccare, infallibilis erat divinæ gratiæ assistentia homini integro, facient quod poterat ex facultate naturæ.

160 Respondeo negando sequelam Majoris, ad cuius probationem dicatur, D. Thomam loqui de homine integro, non integritate puræ naturali (in hac enim non fuit de facto creatus, nec si in illa conderetur, ei foret oblata gratia supernaturalis cum hæc oblatæ elevationem hominis ad finem supernaturalem supponat) sed de homine integro integritate iustitiae originalis, quæ partem inferiorem superiori subiiciebat, & hanc Deo, nedium ut auctori naturæ, sed etiam ut auctori gratiæ. Ita Ferrarensis loco citato, ubi sic habet: *Per naturalen potentiam intelligit S. Thomas liberi arbitrii potentiam, quæ etiam voluntas dicitur, nullo peccato, nullaque inordinatio ne vitiata, sicut erat in primo parente antequam peccaret.* Cum ergo in homine sic constituto, essent supernaturalia præcepta, ad quorū observatiā gratiæ egebat ut principio elicente, & collectio naturalium, ad quorū impletionem indigebat etiam gratiæ, non ut prin-

A cipio elicente, sed ut expediente, id est appetitum in se etiam frangente, ne contra rationem insurgeret, fit quod etiam in homine sic constituto, non verificetur fore infallibilem gratiæ assistentiam, si faceret totum quod potest ex facultate naturæ, & viribus liberarbitrii.

§. IX.

Solvuntur argumenta Molinae.

Obicit ip̄ primis Molina quedam Scripturæ testimonia, ad probandum dari in Deo legem, seu pactum dandi auxilia gratia facient quod in se est ex facultate naturæ. Primum habetur Joan. 1. ubi dicitur: *Dedit eis (scilicet hominibus) potestatem filios Dei fieri: hæc enim potestas non aliter potest intelligi data hominibus, nisi quatenus si faciant totum quod in ipsa est, præfato illo aderit Deus, ut fidem confundantur & gratiam. Praterea ad id suadendum adducit illud primæ ad Timot. 2. *Deus vult unnes homines salvos fieri.* Et istud Apocal. 3. *Ego ad ostium, & pulsus: id est (inquit Molina) fine illa intermissione stat Deus ad ostium cordis nostri, paratus nostros juvare conatus, & consequenter homini bene conanti, divinæ gratiæ auxilium abesse non poterit.**

CEx his tamē testimonio, non recte colligitur dari in Deo legem illam, quam Molina excogitavit. Non quidem ex primo, ut patet ex Augustino lib. 1. contra duas Epistolas Pelagianorum cap. 3. ubi ait: *Datur ergo potestas ut filii Dei sint qui credunt in eum, cum hoc ipsum datur ut credat in eum: que potestas nisi detur a Deo, nulla esse potest ex libero arbitrio.* Unde etiam acutè obseruat Cajetanus super caput 1. Joan. quod Evangelista non dixit: dedit eis potestatem ut se facerent filii Dei, sed dedit eis potestatem filios Dei fieri. *Sicut enim (inquit) in naturalibus elementis est potestas non ut se moveant sursum aut deorsum, sed ut moveant terram deorsum, & ignis sursum; ita Christi fideliibus data est potestas, non efficiendi seipso filios Dei (actio enim hec omnem creaturam facultatem excedat) sed ut fierent filii Dei: potestas autem hec, donum gratiae est &c.*

DConfitimatur: D. Joannes explicans quibus hæc potestas conferatur, addit: *his qui credunt in nomine eius: Ergo ante fidei illustrationem, hujusmodi potestas non datur, & consequenter ex illo testimonio non recte infertur, facientem quod est in se per vires liberi arbitrii, habent in sua potestate, filium Dei fieri, per infallibilem divinæ gratiæ assistentiam.*

EQuod etiam ex secundo testimonio id minime colligatur, in hunc modū ostenditur. Lexista in sententia Molina fundatur in meritis Christi. At voluntas antecedens salvandi omnes homines, in prædicto testimonio contenta, merita Christi antevexit, & competit Deo ut Creatori, & generali Provisorii: Ergo &c.

Tertium etiam testimonium dari in Deo tamē legem non probat, sed solum indicat finisrum affectum, quo Deus suā bonitatem alleactus, auxilium suæ gratiæ omnibus generaliter offerit: cum quo tamē stat, quod illud de facto aliquando denegetur in peccatis præcedentibus peccati, fatidem originalis: ut ex Augustino docet D. Thomas 2. 2. quæst. 2. art. 5. ad 1. De quo infra, cum de effectibus reprobationis disseremus.

Dices, *Potestas ut filii Dei sunt, non solum datur*

DE CAVSIS PRÆDESTINATIONIS.

45

datur hominibus in eum credentibus, sed etiam A
his quibus Evangelium prædicatum non est; a-
liogum illi esset extra statum, & viam salutis,
quod de nullo homine viatore dici potest: At i-
filius haec potest non aliter competere potest, ni-
si quatenus si faciat quod possunt ex natura vi-
ribus constituentur filii Dei: Ergo lex illa con-
stituenda est. Minor probatur. Illis talis potestas
convenire non potest, quatenus si faciat quod
possunt ex viribus gratia, constituentur filii
Dei: cum supponamus illos destinatos omni di-
vina gratia auxilio: Ergo solum potest eis con-
venienter potestas, quatenus si faciat quā-
cum ex possunt per vires natura, præsto eis a-
derit amnum prævenientis gratia.

¹⁵⁷ Respondeo duplicum esse distinguidam po-
tentiam in hominibus, ut fiant filii Dei adopti-
vi per gratiam: unam proximam & activam, per
quam possunt proxime suis actibus se ad gra-
tiam justificare disponere; & de hac ait Au-
gustinus, Tunc dari, quando datur hominibus ut cre-
deret in Deum, unde illa competit solis fidelibus.
Alteram remotam & quasi passivam: id est per
quam homines sunt in potentia obedientiali, ut
per divinam gratiam illustrati, constituentur
complete potentes, ut se ad gratiam habendam
diponant; & hanc potestatem asserimus omnini-
bus hominibus esse communem, & insuper po-
tentiam illam proximam, omnibus in communi-
tate oblatam; quatenus pro omnibus mortuis
est Christus, & pro omnibus sacramenta insti-
tuit, & omnibus patens est Ecclesia; non tamen
omnibus in particulari applicatam, sed quibusdam
(saltem his qui infideles negative appellantur)
in penam praecedentis peccati, saltem originalis, denegatam, ut infra latius expomeremus.
Unde in forma respondeo distinguendo Majore
rem: Potestas ut filii Dei sunt, datur etiā his qui
quisque Evangelium prædicatum non est: Potestas
remota & passiva, concedo. Potestas proxima
& activa, subdistinguo: datur &c. fili dari, idem
significat ac offerri, concedo. Si idem denotet
actu & de facto conferri, seu intrinsecè recipi,
& applicari, nego. Quomodo autem cum hoc
sit quod illi non sint extra statum salutis, &
obligentur præcepto poenitentia, loco citato di-
cens,

Objicies secundū celebrem locum Augustini
13 civit. cap. 13, ubi sic habet: Deus ergo natu-
rum omnium sapientissimus conditor, & instans
ordinator, qui terrenorum ornamentorum maximum
sufficit mortale genu humana; dedit hominibus
quidam bona huic vita cōgrua, &c. eo pacto equissimo
ut quicunq; mortaliibus talibus bonis recte usus fuerit,
accipiat ampliora atque meliora, & ipsam immorta-
litatem pacem. Quo loco per bona ampliora, atque
meliora, non possunt intelligi nisi dona gratia, si-
cū per immortalitatis pacem, dona gloria ve-
stimenta intelligenda.

Respondeo hunc locum fuisse coram Clemente VIII, die ultima Septembris anni 1602, à Pa-
tre Valentia objectum, eiq; respondisse Patrem
Lemos, textum Augustini non fuisse ab eo fide-
liter relatum, sed corruptum & adulteratum:
non enim legitur in codice, Bona ampliora atque
meliora, & ipsam immortalitatis pacem, sed Bona
ampliora atque meliora, IPSAM SCILICET IM-
MORTALITATIS PACEM, ac proinde par-
ticulam scilicet fuisse à Valentia mutatam, in par-
ticulam Et, qua variatio & corruptela, sensum
Augustini omnino immutabat: Si enī in loco pat-

170

Objicies tertio: D. Thomas quest. 14. de ve-
ritate art. 11. ad 1. ait: Si quis in sylva enutritus dactum
naturalis rationis sequatur in appetitu boni & sua-
mali, certissime tenendum est, quod ei Deus vel per in-
spirationem revelaret ea quae ad credendum sunt ne-
cessaria, vel aliquem fideli Prædicatorem ad eum diri-
geret, sicut misit Petrum ad Cornelium. Idem docet
in solutione ad 2. & quæstione vigilia quarta
de veritate, articulo primo ad 2. & in 2. dist. 28.
quest. 1. art. 4. circa finem corporis, & in resp.
ad 4. Ergo ex mente D. Thomæ, homini facien-
ti quod potest ex propriis viribus, est divinæ
gratiae infallibilis assilentia.

Ad hoc argumentum, missa solutione eorum
qui dicunt D. Thomam mutasse sententiam, Re-
spondeo in omnibus his testimoniis, ipsum loqui
de faciente quod est in se, non ex viribus nudæ
naturæ, sed naturæ auxiliata per gratiam. Et
quod haec sit vera & germa mens D. Thomæ,
suadetur tripliciter. Primo quia ita clare se ex-
plicat, tum locis supra relatim, tum etiam in 2:
sent. ad Annibald. dist. 28. articulo quartō ad 3:
his verbis: Ad tertium dicendum quod potestas nostræ
nihil operari potest sine Deo, qui operatur in omni na-
tura & voluntate: unde cum dicimus aliquid esse in
nobis, non excludimus Dei auxilium. Et quodlib. 1:
articulo 7. ad 1. Per hoc (inquit) quod hominis est se
præparare per liberum arbitrium, non excluditur ne-
cessitas auxilij divini, sicut nec per hoc quod ignis est
calefacere, excluditur necessitas cœlestis mortis. Se-
condū id aperte colligitur exempli Cornelii
quod loco relato adducit S. Doctor: hunc enim
non ex sola facultate natura fecisse quod in se
erat, sed speciali auxilio prævenientis gratia,
constat ex ipso D. Thoma 2. 2. quest. 10 art. 4.
ad 3, cuius verba infra referuntur. Deniq; id pa-
tet ex eo quod D. Thomas loquitur de homine
non ponente impedimentum gratia, per totius
legis naturæ observantiam, ad quam in statu na-
turæ lapsa, non sufficere vires naturæ, sed vires
gratiae requiri, est constans Theologorum opini-
o, & expressa ipsius S. Doctoris sententia 1. 2:
quest. 109. art. 4.

Dices: Homo in sylvis nutritus, de quo agitur
in primo testimonio, supponitur impotens ope-
rari ex vi auxiliis gratia: At de illo ait D. Tho-
mas, quod si faciat quod est in se, certissime illu-
minabitur de necessario credendi: Ergo debet
intelligi de faciente quod in se est, non ex viri-
bus gratia, sed natura. Major probatur: Talis
homo supponitur destitutus illustratione fidei,
qua est primum auxilium supernaturale suffi-
cientis, & consequenter omni alio auxilio gratia
sufficientis: Ergo supponitur impotens ad ope-
randum in vi auxiliis gratia.

Respondeo negando Majorem, ad cuius pro-
bationem nego Antecedens, quamvis enim ille
homo non haberet fidem explicitam de Deo ut
auctoritate supernaturali; haberet tamen de illo
fidem implicitam, ac proinde non esset omni atti-

172

F 3

xi

DISPUTATIO SECUNDA

46

xilio supernaturali destitutus. Ratio est, quia in statu elevationis naturæ humanae ad ordinem supernaturalem, impossibile est quod de facto ponatur conversio in Deum ut authorem naturalem, sine conversione in eum ut authorem supernaturalem, ut docetur in Tractatu de gratia: unde cum ille homo ductum rationis naturalis sequens in appetitu boni & fuga mali, esset in Deum ut authorem naturæ conversus, esset etiam implicitè, saltem conversus in illum ut authorem supernaturalem, ac proinde haberet fidem de illo, saltem implicitam; & Deus in tali casu aliquem fidei prædicatorem ad eum dirigeret, ut ei explicitè proponeret mysterium Trinitatis & Incarnationis, aliaque ad salutem necessaria; sicut misit Petrum ad Cornelium, & Paulum ad Macedones; vel per internam inspirationem illum immediate per seipsum instrueret ac illuminaret. Solutio est D. Thomæ 2.2. quæst. 10 art. 4. ad 3. ubi loquens de Cornelio, dicit: *ille infidelis non erat, alioquin eius operatio accepta non fuisset Deo, cui sine fide nullus placere potest: habebat autem fidem implicitam in Deum, manifestatque Evangelij veritate, unde ut eum in fide plenus instrueret, missus est ad eum Petrus.*

Quicunq; hic aliqui, an prima gratia seu primus prædestinationis effectus cadat, vel cadere possit sub merito operum procedentium à gratia? Verum quæstio ista propriam sedem habet 1.2. quæst. 114. & 3; parte quæst. 2. ubi fusè tractatur, an principium meriti possit cadere sub merito?

Dubitari etiam potest, an purus homo possit 174 esse causa meritoria prædestinationis alterius, quoad omnes suos effectus. Partem affirmativam tenet Vasquez, hic disp. 94. ca. 5. cuius fundatum est, quia idem est mereri prædestinationem quoad omnes suos effectus, & illam mereri quoad primum, cum cæteri ab isto dependant. Sed purus homo potest alteri mereri, vel impetrare primum prædestinationis effectum, scilicet primam vocationem, seu primam gratiam excitantem, ut patet in D. Stephano, qui suis orationibus obtinuit à Deo alias gratias prævenientes, quibus D. Paulus est conversus: unde dicit Augustinus, *Si Stephanus non orasset, Ecclesia paulum non haberet:* Ergo purus homo potest esse causa meritoria prædestinationis alterius, quoad omnes suos effectus.

Neque valet si dicas, orationem illam Stephani, cum fuerit medium conducens ad glorificationem Pauli, fuisse primum sui prædestinationis effectum. Nam contra hoc potest instari: Licet merita Christi quibus nostram prædestinationem promeruit, cum effectu conducat ad nostram glorificationem, non posunt tamen dici esse nostra prædestinationis effectus: Ergo similiter quamvis oratio S. Stephani fuerit medium conducens ad glorificationem Pauli, non potest tamen esse, nec dici effectus prædestinationis illius.

Hæc tamen opinio, ut dicit Suarez libro 2. de causis prædestinationis ca. 24. non solum est falsa, sed etiam singularis, & consequenter explodenda; unde dicendum est cum communī Theologorum sententia, purum hominem non posse mereri aut impetrare omnes effectus prædestinationis alterius, & consequenter nec esse causam prædestinationis illius.

177 Ratio fundamentalis hujus assertionis deducitur ex opposito fundamento Vasquezii. Nam

A quando unus homo impetrat, aut meretur alteri primam gratiam vocantem, cum reliquis: tunc primus effectus prædestinationis (D. Pauli v.g. ut in eodem exemplo persistamus) non est prima illa gratia inhærens Paulo, sed oratio ipsius D. Stephani, est unus ex effectibus, & prior prædestinationis Pauli. Ergo talis oratio non potest esse causa primi effectus prædestinationis Pauli. Consequentia pater, Antecedens probatur. Quocunque beneficium & gratia conducens cum effectu ad glorificationē alicuius hominis, est effectus prædestinationis illius, qui est medium ad illam, ut dicemus disputatione sequenti: Sed oratio v.g. D. Stephani, fuit medium conducens ad salutem & glorificationem Pauli: Ergo fuit effectus prædestinationis illius. Ex quo deducitur, potius esse dicendum, orationem Stephani pro Paulo ortum habuisse & emanasse à Prædestinatione Pauli, quam è contra, quod oratio Stephani meruerit aut impetraverit prædestinationem Pauli. Unde patet responsu ad fundamentum Vasquezii.

Ad instantiam, nego paritatem. Ratio discriminis est, quia merita Christi Domini, cum pertineant ad gratiam unionis, & non adoptionis, & sint ordinis hypothatici, qui in infinitum ordinem gratia excedit, non possunt esse effectus nostræ prædestinationis, quæ non extenditur ad donatam alta, sed tantum ad illa quibus proximè, vel remote adoptamur in filios Dei; immo potius è contra omnes effectus prædestinationis Christi, quæ est causa nostra tripliciter. Primo in genere causæ finalis, juxta illud Apostoli 1. ad Corinth. 3. *Omnia vestra sunt, vos autem Christi, Christus autem Dei.* Secundò in genere causæ formalis, seu exemplaris, quia ut dicit idem Paulus ad Rom 8. *Quos præscivit, & prædestinavit consimiles fieri imaginis filij sui.* Unde Augustinus cap. 15. de prædestinatione Sancti, vocat Christum, *Præclarissimum lumen prædestinationis & gratia.* Tertio in genere causæ efficientis, saltem moralis & meritoria, quia suis actionibus & passionibus nobis promeruit omnes prædestinationis effectus: juxta illud Apostoli ad Ephes. 1. *Qui benedixit nos in omni benedictione spirituali in celestib; in Christo: id est per Christum, & ejus merita.* Sed de hoc fusè in Tractatu de Incarnatione.

DISPUTATIO III.

De effectibus prædestinationis.

Consideratis causis divinæ prædestinationis, consequens est ut ejus effectus invenerimus; acturi postea de illius certitudine, ejusque cum libertate concordia.

ARTICULUS I.

Vtrum glorificatio & iustificatio & qua-
cunque efficax vocatione sint effectus
prædestinationis?

A Gimus hic solum de justificatione per peccatum non interrupta, & de vocatione effectaci. An vero gratia per peccatum interrupta & vo-